



Comunu de Quartu Sant'Aleni



Canali WhatsApp nou de su Comunu dedicau a is citadinus

Su Comunu de Quartu Sant'Aleni annoat su modu de donai informatzionis approntendi unu canali istitutzionali WhatsApp, una aina moderna e de agiudu po essi sempri prus a su costau de is citadinus. Donendi novas in deretura a portada de click, s'Amministratzioni bolit ammellorai sa possibilitadi de agatai is informatzionis e acrarai is atividades acumpridas.

Andat a inantis de aici sa digitalizatzioni e su sviluppu de is servitzius in l'inia de s'Ente, aintru de su programma Quartu Casa Comune. Su Comunu bolit acumpangiai is citadius in s'annoamentu tecnològicu, agiudendiddus cun ainas a cunforma e cun scedas dedicadas, po chi sa digitalizatzioni siat de a berus unu beni po totus e de totus.

Fai una comunicatzioni prus fàcili bolit nai a dda fai lestra a cumprendi e cumpleta, chi fatzat arribai is novas de utilidadi pùblica, asuba de is traballus pùblicos, de is emergèntzias, de is eventus, de is cambiamentus a sa circolatzioni ecc. in deretura in su smartphone.

WhatsApp est unu canali imperau meda. E difatis est intrau in is abitudinis de sa popolatzioni, arribendi a medas prus personas prus che totu pueta est lestru de imperai. Tenit totus is calidadis po essi unu canali de comunicatzioni e semplificatzioni in aciunta.

Is informatzionis ant a essi donadas feti de una parti, iat a essi de su responsàbili de su canali, a s'utenti chi s'est sinnau a su canali etotu. S'utenti at a podi manixai s'iscritzioni de maneda sìmplice e prus che totu chena fai sciri a chini est.

Po imperai su servìtziu bastat teni s'aplicatzioni WhatsApp in su smartphon o in su PC e tocai su liòngiu <https://whatsapp.com/channel/0029VaViuzziJuyADDasAnf30> sinnendisì a su canali po podi arriciri is notìficas. Is datus personalis ant a essi manixaus cunforma a sa lei asuba de sa privadesa.